

ստեղծելով բազմաթիւ մանր մասնիկներ, որոնց իւրաքանչիւրը ներկայացնում էր մի-մի գաւառ, որ բաժանուած էր բնական սահմաններով: Նրանցից իւրաքանչիւրը մի-մի իշխանութիւններ էին, որ ապրում էին իրանց տարբեր կեանքով... որքան տարբերում էր մի գաւառ միւսից իւր տեղական պայմաններով:

Անշարժութիւնը, հաղորդակցութեան դժուարութիւնը... անլի եւ գարգացնում էին նրանց մէջ տեղական առանձնայատկութիւնները: Երկրի անփոփոխ դրութիւնը պահպանում էր անփոփոխ սովորութիւններ: Դրա հետեւանքը լինում էր կրթութեան եւ յառաջադիմութեան դանդաղ կտուրները: Մի գաւառացին միւս գաւառացու լեզուն չէր հասկանում, քէն երկուսն էլ եղբայրներ էին... Ամէն մի գաւառ իր առանձին կառավարութիւնը, իւր օրէնքներն ու անաղութիւններն ունէր:

Այդ իշխանութիւնները կոչւում էին նախարարութիւն:

Թագաւորը... համարեա մի մեծ նախարար էր: Նա սեպեականել էր իրան ամբողջ Արարատը — երկրի սիրտը:

... Մի այսպիսի պետական կազմակերպութեան մէջ, երբ ուժը հողի ընդարձակութեան եւ հողի վրայ ապրող բնակիչների բազմութեան չափովն էր չափում, շատ հասկանալի է, որ նախարարների հաւաքական գործութիւնը ոչ միայն կարող էր ննջում գործ դնել քաղաւորի վրայ, այլ նրա վիճակը ամէն բոլոր կարող էր իր ձեռքում պահել:

... Միւս կողմից, այնքան բազմաթիւ նախարարութիւններ, բաժան-բաժան... իւրաքանչիւրը կենդանացած իւր մէջ — շատ պարզ է, որ այդ մասնատեալ իշխանութիւններից չէր կարող կազմուիլ մի ամփոփ, ամուր, միահեծան պետութիւն»...

*Ահա թուիչք մը եւս դէպի ընկերաբանութեան աշխարհը:*

*Նոյն տեղագրական ու կլիմայական պայմաններով Բաֆֆին կը բացատրէ բնաւորութեան, խառնուածքի, ոգիի այն չիմնական տարբերութիւնը, որ կայ լեռնաբնակ եւ դաշտաբնակ ժողովուրդներու միջեւ: Մէկ կողմէն Սասնոյ, Շատախի, եւ ուրիշ հայկական լեռնավայրերու աշխոյժ, արի, անվախ, ըմբոստ*

*ու ռազմիկ ժողովուրդը, միւս կողմէն տափաբակներու բնակչութիւնը՝ ընդհանրապէս մեղկ, վեհերոտ, թուլասիրտ ու հակուած դէպի խաղաղ կեանք, հնազանդութիւն եւ համակերպութիւն...*

«Թէեւ ծերունի որսորդը միշտ ցաւակցական արհամարհանքով էր լսում հայերի մասին, ասելով՝ քէ նրանք հոգով ու մարմնով բոլորովին ընկած եւ սպանուած ժողովուրդ են, բայց ես նրա նկատուածքիւնը իրաւացի էի գտնում միայն Պարսկաստանի հայերի վերաբերութեամբ, այսինքն՝ նրանց, որ բնակւում էին Ատրպատական նահանգում: Ընդհակառակն, Տանկաստանի հայերը — Տարսիսի եւ Վասպուրականի մէջ... բաւականին աշխոյժ եւ կենդանի մարդիկ էին:

Դա ունէր իր տեղական եւ կլիմայական պատճառները:

Ատրպատականի գաւառները, բացի լեռնային եւ անտառապատ Ղարաղաղից... տափակ երկիրներ էին եւ անլի տափ կլիմայով: Երկրագործութիւնը, որ միակ աղբիւրն էր ժողովուրդի ապրուստի, խիստ պինդ կերպով կապել էր բնակիչներին հողի հետ. եւ հետեւաբար շատ նեղ կերպով սեղմել էր նրանց՝ հողատիրոջ — աղաների մանկերի մէջ:

... Մի այսպիսի կեցութեան մէջ մարդը կորցնում էր իր ազատութիւնը եւ նրա հետ իր մտաւոր եւ հոգեկան կենդանութիւնը: Նա դառնում է կրաւորական էակ: Արձակ դաշտը, տափակ երկիրը շինում է նրան անլի ընտանեկան. անլի խաղաղասէր, միեւնոյն ժամանակ երկչոտ: Միևնդեռ լեռը, անտառը պահպանում են մարդու մէջ նրա սկզբնական վայրենութիւնը: Եւ հետեւապէս նրա սրտի ամբարիւնը եւ քաջութիւնը:

Ստրկութիւնը սկսուել է եւ շարունակուել տափակ երկրների վրայ եւ անլի տափ կլիմայի մէջ: Տափակ երկիրը տալիս է մարդուն տափակ բնավորութիւն, զարգացնում է նրա մէջ քեֆուելու ընդունակութիւնը: Բայց լեռնային երկրի բնակիչը, նոյնպէս ուղղաձիգ է... որպէս իր շրջապատող սեպաձեւ ժայռերը: Հարթ-հաւասար անապատը չէ տալիս փախուստի միջոց եւ պատասպարան իր նեղեալներին: Միևնդեռ սարերը եւ անտառները միշտ